

19. – 21. Hornig 2024



Zoggelischletzer Sujet: An de Fasnachtsdaage wänn au d Eelprinze uf e Waage

**Z Basel isch Fasnacht sot me maine
Aber was sich ufstellt dert in dr Staine
Blinggt goldig, isch rych, lueget nur ane
Sins d Zoggelischletzer? He nundefahne
Wie immer nid ganz traditionell
Aber doch, Jä, - originell
Al Basel het au d Fasnacht in de Pfoote
Mit viil Zaschter und e grosse Noote**

**Al-Zoggeli, Al-Schletzer Al-was au immer sie wän
Sie näme Alles, wenn sie`s nur hän
Was im Sand nid spriesst, wird uswärts kauft
Mit allne Ehre und Champagner tauft
Nur dr FCB stoht nimmi uf dr Lischte
Drfyr z Davos e Ski und Snowbordpischte**

ZENSIERT

D Wiehnacht, dr Ooschterhaas und au dr 1, Auguscht
D Herbschtmäss, dr Vogelgriff und unsere Durscht
S wird alles kauft, es isch jo Wurscht
Setze vor Alles das AL drvor
Nid zem glaube und doch, s isch wohr

Das Eelprinezgäld muesch inveschtiere
Ohni lang do dryber z-lamentiere
S wird Alles kauft wo aimoolig isch
Wie wärs mit de Rochedüürm oder us em Merian e Disch?

S Käppelijoch und dr Lällekeenig
Do hesch ebys fyr Immer und Ewig
Nur die beschte Sportverein - Also EHC
Vergässe isch dr Kauf vom FCB

Zensiert

D Nordtangänte näme sie au
Zahle au für dä Rüggbau
Dr Rhytunnel fertige sie denn grad mit
Aber wie Alles passt das dr Regierig nid

S Minschter, s Roothuus und au d Zirkuskupple z Bärn
Hän die Schaiche uf ihrne Plän
S Gäld muess schaffe das isch scho klar
Mir bruche no e cooli Shisha-Bar

Zensiert

Aber jo, das isch langsam zviil
Und het yberhaupt kai Styl
Richtig isch, das dien mir wysse
Au Eelprinze hän e so e Gwysse
Sie froge noch, mir biete a
Do isch doch wirklig nyt falsch dra

Trotz Allne Al`s und mit viil Gäld
Kauft me nid die ganzi Wält

D Zoggelischletzer und ihre Waage
Kenne fyr 1 Joor Eelprinze trage
Verschäärble dien mir unsere Waage nid
Mir fahre im 2025 wieder sälber mit

Mir freye uns alli uf`s nägschte Joor
Uf Waggis und ihri strohige Hoor
Mir dangge de Prinze fyr das Gschäft
Aber d Basler Fasnacht die blibt ächt

Alli Föteli wo me muess gseh ha
Findet me unter
[www.zoggelischletzer .ch](http://www.zoggelischletzer.ch)

